

a Roma et li dagi favor, et cussi havemo scritto, per tanto avisi Imbraim. Ave: 175, 8, 6.

Fu poi leto 4 oppinion, di scriver al dito zerca la venuta qui del vescovo di Verona, et la proposta fata a la Signoria nostra, *videlicet*: la prima mete sier Andrea Trivixan el cavalier, sier Jacomo Soranzo procurator, sier Francesco Donado el cavalier, sier Tomà Mocenigo savii dil Conseio, sier Marco Antonio Corner, sier Andrea da Molin, sier Marin Justinian, sier Hironimo Grimani savii a Terra ferma, sier Francesco Trivisan, sier Francesco Mocenigo, sier Antonio Marzello, sier Antonio Erizo, sier Marco Foseolo savii ai Ordeni, di avisarli la venuta dil dito, et che venendo fuori el Signor turco ne ha ricercato che aiuto li volemo dar, et li havemo risposto, per la paxe havemo col Gran Signor qual volemo mantener non . . . per tanto il tutto avisi a quello magnifico Imbraim et excelsa Porta, avisandoli non semo per mancar, *imo* perseverar in la bona paxe, come sempre volemo mantener la paxe fata con nui.

L'altra di sier Luca Trun procurator, vol dirli tal venuta è sta perchè il Papa voria meter do decime al clero, et nui non havemo voluto et semo per mantener la bona paxe etc.

L'altra di sier Gasparo Contarini savio del Conseio, vol dir la venuta è stà per le decime, et *incidenter* ne ha parlato di favori etc.; li havemo risposto non voler, per mantener la paxe col gran Signor.

L'altra di sier Zuan Dolfìn savio a Terra ferma, col dir semo sta rizercati dal Papa di aiuti li volemo dar, non nominando episcopo di Verona, et risposto semo per mantener la paxe havemo col Signor turco.

Andò prima in renga sier Luca Trun procurator, savio dil Conseio, et parlò per la soa oppinion, dicendo el comunicar al re de Franza quello ne mandò a dir l'imperator per lo eletor de lo imperio et l'altro di soi oratori feno la liga di Cambrai, però non vol dir el tutto.

Et li rispose sier Momi Justinian savio a Terra ferma per il Collegio, in la qual intrò li Consieri et Cal di XL.

Da poi andò sier Gasparo Contarini et parlò da bon christian per la soa oppinion.

Et ultimo parlò sier Zuan Dolfìn savio a Terra ferma, et fè bona renga, et s'il conzava la parte, *videlicet* nominar el venir dil vescovo di Verona, questa era presa. Andò le parte: 7 non sinceri, 5 di no, 10 dil Contarini, 24 dil Trun, et queste

andono zoso, 46 dil Dolfìn, 54 di Savi. *Iterum* le do balotade: 13 non sincere, 73 dil Dolfìn, 99 di Consieri et Savi. Et fu presa.

Fu posto, per li Savi tutti d'acordo, un'altra 182 letera al prefato orator et vicebaylo a Constantino-poli sier Piero Zen, con avisarli havemo ricevuto le sue lettere, et zerca li confini et zerca el castelo di Salona, che si fazi minar, non ne parli più, et de una angaria vol meter quelli de Scardona a le barche de Sebenico, vedi de otenir mandato non sia innovà cosa alcuna.

Item, se avisa nove de l'imperador et Franza, dove i se trovano, da esser comunicate a quella excelsa Porta, *ut in litteris*. *Item*, avisarli dil successo fato a Maran, et quello fo recuperato di soi subditi, et averge date le robe, et quel Vincenzo Gambo fuzito a Trento, havemo scritto al cardinal di Trento et bandito etc, *ut in litteris*. Ave: 184, 5, 0.

Fu publicà el primo Pregadi, far proveditor sopra le fabriche de Padoa.

Fu posto, per li Consieri, che havendo li heredi qu. Thomà Balzi da Liesna, fato et hauto certa alivelation de uno piovan di la capella di San Piero chiesa cathedrale de li, de certo ato etc., con soldi 10 de livello a l'anno, sia confermata, *ut in parte*. Ave: 112, 5, 9. Fu presa.

In questo zorno, intrò sier Zacaria Barbaro qu. sier Daniel soracomito, venuto per disarmar, ma poi tornò in armada come dirò avanti.

Fo leto, uno *capitolo di lettere, di Jacomo Saguri, dal Zante, di*

Di Spalato, di sier Lunardo Bolani conte 182 e capitano, di 15 Decembrio, ricevute a dì 22 Zener.* Avisa, come Malcoch capitano di Salona vicino a quella città, qual già molti giorni se asentò de li, hora è ritornato, et ha condotto con sè muli et cavalli numero 43 carchi de munition, zoè arcobusi, polvere, curaze, archi, freze, targe et lanze, et subito scaricate si è partito, nè se intende la causa de questo, ben parole sono assai; et si dice el dito haver portato gran quantità de aspri, et questo per ampliar Salona et farli uno borgo. Scrive, come in porto de Zara la barca, conduceva li a Spalato le munition li mandava la Signoria nostra insieme con molti navili, è rota, et la polvere portava tutta è andata de mal, con alquanti archibusi et tavole, el resto è stà recuperà. Scrive se mandi di l'altra polvere, per esser quella città et castelli malissimo in ordine.